

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



সংবাদ বিজ্ঞপ্তি

যুক্তরাষ্ট্র সরকারের অর্থায়নে আগামীকাল খাদ্য নিরাপত্তা বিষয়ক কর্মশালা

ঢাকা, ৮ই জুলাই -- বাংলাদেশ সরকার, খাদ্য ও কৃষি সংস্থা (এফএও) ও উন্নয়ন সহযোগী সংস্থার উর্ধ্বতন কর্মকর্তা এবং সুশীল সমাজের সদস্যদের জন্য আগামীকাল খাদ্য নিরাপত্তা বিষয়ক একদিনের এক কর্মশালা অনুষ্ঠিত হতে যাচ্ছে। যুক্তরাষ্ট্র সরকার এতে অর্থায়ন করছে। এটি “জাতীয় খাদ্যনীতি সক্ষমতা শক্তিশালীকরণ কর্মসূচি” বা এনএফপিসিএসপি’র আওতায় ধারাবাহিক গবেষণা কর্মশালার একটি অংশ। এনএফপিসিএসপি হচ্ছে যুক্তরাষ্ট্র আন্তর্জাতিক উন্নয়ন সংস্থা (ইউএসএআইডি) এবং ইউরোপীয় ইউনিয়নের যৌথ অর্থায়নে ৭৪ লাখ ডলার ব্যয়ে একটি উদ্যোগ। একটি সার্বিক, ন্যায়সঙ্গত, জেন্ডার-সংবেদনশীল এবং দারিদ্র্য-লক্ষ্যভিত্তিমুখী জাতীয় খাদ্যনীতি পর্যবেক্ষণে সরকারের দক্ষতা বৃদ্ধির উদ্দেশ্যে এই প্রকল্প বাংলাদেশ সরকারের সঙ্গে একত্রে কাজ করছে। এনএফপিসিএসপি’র একটি মূল লক্ষ্য হচ্ছে জাতীয় খাদ্যনীতি সমৃদ্ধভাবে বাস্তবায়নকল্পে উঁচু মানের গবেষণা পরিচালনায় সুশীল সমাজের নীতি-নির্ধারক ও গবেষকদের সক্ষমতাকে সম্প্রসারণ ও গভীরতর করা। কর্মশালায় অংশগ্রহণকারীরা এনএফপিসিএসপি’র আওতায় তাদের করা গবেষণার ফলাফল আলোচনা ও বিনিময় করবে এবং জাতীয় খাদ্যনীতি আরো ভালোভাবে বাস্তবায়নে সরকারের কাছে সুপারিশ উপস্থাপন করবে। বাংলাদেশ সরকার এবং এফএও যৌথভাবে এনএফপিসিএসপি পরিচালনা করে থাকে।

এনএফপিসিএসপি’র এই কর্মশালা বাংলাদেশে সবার জন্য খাদ্য নিরাপত্তা নিশ্চিতকল্পে সরকার, উন্নয়ন অংশীদার এবং সুশীল সমাজের মধ্যে সহযোগিতার ক্ষেত্রে আরেকটি অগ্রণী পদক্ষেপ। খাদ্য অনিরাপত্তায় যারা সবচেয়ে বেশি সংবেদনশীলতার মুখোমুখি, এনএফপিসিএসপি তাদের বিষয়ে সুশীল সমাজের মধ্যে আলোচনার সুযোগ তৈরি করে দেয়। এছাড়া এটি শিক্ষা প্রতিষ্ঠান ও সুশীল সমাজের নীতি বিশ্লেষক ও গবেষকদের মধ্যে শক্তিশালী যোগাযোগ তৈরিতে সহায়তা করে থাকে।

১৯৭১ সাল থেকে যুক্তরাষ্ট্র সরকার বাংলাদেশকে উন্নয়ন সহায়তা হিসেবে ৫০০ কোটি ডলারেরও বেশি প্রদান করেছে, যার অর্ধেকেরও বেশি খাদ্য সহায়তা হিসেবে দিয়েছে। বাংলাদেশে যুক্তরাষ্ট্র সরকারের সহায়তার মধ্যে রয়েছে অধিক সচ্ছ ও জবাবদিহিমূলক সরকার ব্যবস্থায় সহায়তা, অধিক শিক্ষিত, স্বাস্থ্যবান ও আরো উৎপাদনশীল জনসংখ্যার জন্য সহায়তা, ন্যায়সঙ্গত অর্থনৈতিক প্রবৃদ্ধির মাধ্যমে অর্থনৈতিক সুযোগ-সুবিধা বৃদ্ধিতে অর্থায়ন, খাদ্য সহায়তা এবং দুর্যোগ প্রশমনে সহায়তা।

=====

জিআর/২০০৯

দ্রষ্টব্য: এই সংবাদ বিজ্ঞপ্তির ইংরেজি ভাষ্য ‘আমেরিকান সেন্টার’-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে ‘আমেরিকান সেন্টার’-এর প্রেস সেকশনে (টেলিফোন: ৮৮০৩৭১৫০-৮, ফ্যাক্স: ৯৮৮৫৬৮৮; ই-মেইল: DhakaPA@state.gov এবং ওয়েবসাইট: dhaka.usembassy.gov যোগাযোগ করুন।